

# Comité Schnitzelbänke Fastnacht 1926



## D'Klingelberglemer

1. D'Spezialklaß isch vertloffe —  
S'het sich grad uff d'Fastnacht troffe —  
Und das simmer vo de Läche,  
Wil si us der Schuel tien schwäche.

2. Ufem Stroßklaßbiechli tiemer  
Singe, und verschone niemer;  
Aridehelgli mien Gich deggle  
Uf is laine la verseggle.

3. S'Räsblatt vo der Freiestroß  
Haltet sich bis jeh famos;  
S'Nachblatt bringi's mit Gratisache  
Ufach nit zuem Rippimache.

4. Dert am Boulevard lumière ufe  
Tuet e Husbesitzere huse,  
Wo tuet ihri Huslit haife  
Schlägge, wo sie arg tuet schwaife.

5. E Film mit blutte Sache ta me  
Seh, als nejt Sportsreklame; —  
Und im Finschtere hogge d'Mugger  
Gluschte dur dr Operegugger.

6. Und uff d'Polizei tien renne  
Die wo's nit verpuke lenne;  
S'tieg vom Guete aim ablängge  
Wenn me sott der Kopf loh hängge.

7. Quakttet, e nejt Mode,  
D'Schäfter, wo uff Baslerbode  
Hängge so Plakättli use;  
D'Ware-n-aber lauffsch z'Milchuse.

8. Au vom Parfum isch z'erwähne,  
Wil jeh s'Frankrich grad do äne;  
S'brucht lai Pfunse meh aim z'wingge  
S'längt scho, wenn si rächt tuet stingge.

9. Baslerstab, loh nie die zwai  
Eva und U. S. ellai;  
Wenn die zämme Jungi mache  
Hämmer z'Basel nit meh z'lache.

10. S'Dänggmol uff der Batterie  
Het im Kriegsgott g'stungge gli;  
Lot er vor me's ta go sägne  
Iber Nacht nit Schißdrägg rägne.

11. D'Stadt well jeh de große Ret —  
Däne s'in der Sitig z'bled —  
In de Gäng am Donschtig Morge  
Fit en-Unterhaltig sorge.

12. Am Strait im Zolli sig ellai  
Dä Nagel d'Schuld und si Partel;  
Sig d'Schuld, daß alli Tier verregge,  
Und s'Aergschti well me n'aim verdegge.

13. S'Schabraggetapir haig sogar  
E Buschi kriegt, s'isch sunderbar.  
Der Bod sig nit, und doch isch's do;  
Däm Ding sott uff der Grund me goh.

14. Do sott me-n-ain, wo alles ta —  
Der Fidleburgerpfarer ha; —  
Dä nimmt sie als am Seilrohr  
Vor Gricht, und bringt e Bischeli hoor.

15. Sens unique! e schene Name,  
Macht fir unseri Stadt Reklame;  
Sim Erfinder sott me jeh  
Scho, uff's Grab e Dänggmol seze.

